

Na osnovu člana 12. Zakona o javnim preduzećima u Federaciji Bosne i Hercegovine („Službene novine Federacije BiH“ broj: 8/05, 81/08, 22/09,109/12), člana 8. Zakona o ministarskim, vladinim i drugim imenovanjima F BiH („Službene novine Federacije BiH“, br. 12/03, 34/03 i 65/13), člana 51. i 52. Prečišćenog tekststa Statuta Javnog preduzeća «Unsko-sanske novine» d.o.o. Bihać i Odluke Privremenog nadzornog odbora Javnog preduzeća «Unsko-sanske novine» d.o.o. Bihać broj: 3-PNO-224-9/23 od 03.07.2023. godine, Nadzorni odbor preduzeća objavljuje

K O N K U R S

za izbor i imenovanje direktora i izvršnog direktora (glavni odgovorni urednik)

JP «Unsko-sanske novine» d.o.o. Bihać

Oglašava se pozicija:

- | | |
|--|--------------------|
| - DIREKTOR | 1 izvršilac |
| - IZVRŠNI DIREKTOR (glavni i odgovorni urednik) | 1 izvršilac |

Opis pozicije

DIREKTOR

Uprava (direktor) ima slijedeće nadležnosti:

- predstavlja i zastupa JP prema trećim licima i odgovara za zakonitost rada i poslovanja JP,
- organizuje i vodi poslove JP,
- izvještava Nadzorni odbor, po njegovom zahtjevu,
- vrši provedbu Etičkog kodeksa i Statuta;
- izrađuje provedbene propise (Uputstvo i Pravilnik) za postupak nabavke i provedbu Zakona o javnim nabavkama i propisa, te provodi odredbe propisa o nabavkama i po zaključenju ugovora o nabavci podnosi izvještaj Odboru za reviziju i Nadzornom odboru;
- priprema prijedloge o raspodjeli dobiti;
- nadzire zaposlenike u implementaciji važećih propisa i provedbenih propisa o nabavkama;
- obezbjeđuje distribuciju i implementaciju Etičkog kodeksa i postupanje svih odgovornih lica u skladu sa Etičkim kodeksom JP, tako što protiv lica koja krše Kodeks provodi disciplinski postupak;
- vrši zapošljavanje i otpuštanje zaposlenika u skladu sa poslovnikom odnosno poslovnica i važećim zakonima, i u vezi s tim ima dužnosti i odgovornosti propisane članom 45. Zakona o javnim preduzećima;
- zaključuje ugovore u ime JP;
- obavlja i druge poslove, utvrđene Zakonom i Statutom, od značaja za nesmetano odvijanje organizacije rada i vođenje poslovanja JP.

IZVRŠNI DIREKTOR (glavni i odgovorni urednik)

Izvršni direktor obavlja poslove glavnog i odgovornog urednika lista Krajina. U skladu sa članom 49. Statuta JP izvršni direktor čini upravu preduzeća zajedno sa direktorom.

U ostvarivanju poslovne funkcije izvršni direktor obavlja poslove koji su mu Zakonom, Statutom društva i drugim općim aktima Društva dati u njegovu nadležnost a naročito:

- rukovodi radom novinskog odjeljenja
- u skladu sa zakonom, programskom orijentacijom i koncepcijom vrši funkciju glavnog i odgovornog urednika
- predlaže i realizira usvojenu koncepciju lista
- vrši i druge poslove predviđene zakonom i drugim propisima i po odluci direktora

Izbor i imenovanje direktora i izvršnog direktora preduzeća / društva vrši se na mandatni period u trajanju od 4 (četiri) godine.

Plaće i druga materijalna prava direktora i izvršnog direktora uređuju se ugovorom između:

- za direktora : Nadzornog odbora i direktora,
- za glavnog i odgovornog urednika: između direktora i gl. i odg. urednika, uz prethodno odobrenje Nadzornog odbora.

Kandidati za izbor i imenovanje za direktora i izvršnog direktora (gl. i odg. urednik) preduzeća moraju ispunjavati opće uslove propisane Zakonom označene u članu 34. Statuta Javnog preduzeća, a to su:

- Da je državljanin BiH (Dokaz: Uvjerenje o državljanstvu)
- Da je stariji od 18, a mlađi od 65 godina na dan imenovanja (Dokaz: Izvod iz matične knjige rođenih),
- Da nije otpušten iz državne službe kao rezultat disciplinske mjere na bilo kojem nivou u BiH, u periodu od 3 (tri) godine prije objave javnog konkursa (Dokaz: Potpisana i ovjerena izjava),
- Da se na njega ne odnosi član IX stav 1. Ustava BiH (Dokaz: Potpisana i ovjerena izjava),
- Da nije osuđivan za krivično djelo ili privredni prestup, niti da se protiv njega vodi krivični postupak (Dokaz: Uvjerenje nadležne policijske uprave),
- Da mu pravosnažnom presudom suda nije zabranjeno obavljanje aktivnosti za poziciju na koju aplicira (Dokaz: Uvjerenje nadležnog suda)
- Da nije izabrani zvaničnik, nosilac sudske ili izvršne funkcije ili savjetnik izabranim zvaničnicima i nosiocima izvršnih funkcija (Dokaz: Potpisana i ovjerena izjava),
- Da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH (Dokaz: Potpisana i ovjerena izjava),
- Da nije direktor, član uprave, predsjednik ili član skupštine društva ili nadzornog odbora ili odbora za reviziju u drugom privrednom društvu (Dokaz: Potpisana i ovjerena izjava),

- Da nije u sukobu interesa u ličnom ili profesionalnom odnosu sa društvom u kojem aplicira na poziciju direktora. (Dokaz: Potpisana i ovjerena izjava).

Dokumenti kojima se dokazuje ispunjavanje općih uslova ne mogu biti stariji od 6 (šest) mjeseci.

Pored navedenih općih uslova, kandidat koji se prijavljuje na Konkurs mora ispunjavati i sljedeće posebne uslove:

Za direktora:

- VII stepen složenosti zanimanja, VSS, fakultet društvenog smjera, (Dokaz: ovjerena kopija diplome)
- najmanje 5 (pet) godina radnog iskustva u struci (Dokaz: Uvjerenje / potvrda o radnom iskustvu poslodavca kod kojeg je zaposlen kandidat i uvjerenje Porezne uprave)
- da ima komunikacijske i organizatorske sposobnosti
- da ponudi program razvoja JP za period najmanje koliko traje mandat,
- da ima uspješne reference u dosadašnjem radu, posebno u oblasti informiranja
- da ispunjava uvjete propisane Zakonom o sukobu interesa u institucijama vlasti BiH (Sl. glasnik BiH» br. 13/02) – dokaz: Ovjerena izjava kandidata

Prilikom procjene menadžerskih znanja i iskustava za izvršenje poslovnih i operativnih potreba JP, kao posebni uslovi uzimaju se u obzir i sljedeći kriteriji:

- Organizacijske sposobnosti i prilagodljivost timskom radu,
- Sposobnost savjesnog i odgovornog obavljanja poslova, te nepristranog i odlučnog donošenja odluka,
- Rezultati rada ostvareni tokom prethodnog radnog angažmana i preporuka poslodavca

Kandidati koji se prijavljuju na konkurs za izbor i imenovanje direktora JP „Unsko-sanske novine“ d.o.o. Bihać uz Prijavu na konkurs dužni su priložiti:

- kraću biografiju,
- adresu i kontakt telefon,
- program razvoja JP za period najmanje koliko traje mandat
- preporuka poslodavca o rezultatima rada ostvarenim tokom prethodnog radnog angažmana
- te svu dokumentaciju (original ili ovjerene kopije) kojom dokazuju da ispunjavaju opće i posebne uslove tražene Konkursom.

Za izvršnog direktora:

- VII stepen složenosti zanimanja, VSS, fakultet društvenog smjera,
- najmanje 3 (tri) godine radnog iskustva u struci.

Prilikom procjene menadžerskih znanja i iskustva za izvršenje poslovnih i operativnih potreba JP, kao posebni uslovi uzimaju se u obzir i sljedeći kriteriji:

- Organizacijske sposobnosti i prilagodljivost timskom radu,
- Sposobnost savjesnog i odgovornog obavljanja poslova, te nepristranog i odlučnog donošenja odluka,
- Rezultati rada ostvareni tokom prethodnog radnog angažmana i preporuka poslodavca

U vezi posebnih uslova kandidati trebaju priložiti:

- Dokaz o stručnoj spremi (univerzitetska diploma – može ovjerena fotokopija)
- Dokaz o radnom iskustvu u struci (potvrda o radnom iskustvu poslodavca kod kojeg je zaposlen kandidat i uvjerenje Porezne uprave)

Uz Prijavu na Konkurs, kandidati za izvršnog direktora su dužni priložiti kraću biografiju, adresu i kontakt telefon, preporuku poslodavca o rezultatima rada ostvarenim tokom prethodnog radnog angažmana, te odgovarajuću dokumentaciju (original ili ovjerena kopija) kojom dokazuju da ispunjavaju opće i posebne uslove tražene Konkursom.

Lični podaci o učesnicima su tajni i mogu se prikupljati i obrađivati u skladu sa Zakonom o zaštiti ličnih podataka BiH („Službeni glasnik BiH“, broj: 49/06, 76/11 i 89/11).

Dokumentacija dostavljena uz prijavu na konkurs se ne vraća kandidatima.

Konkurs ostaje otvoren 15 dana počevši od dana posljednjeg objavljivanja.

Prijave na konkurs dostavljaju se lično ili preporučenom pošiljkom u zatvorenoj koverti na adresu: UNSKO-SANSKI KANTON, JAVNO PREDUZEĆE «UNSKO-SANSKE NOVINE» d.o.o. Bihać, 502. Viteške brigade br.11, 77000 Bihać sa naznakom: «Prijava na Konkurs za izbor i imenovanje direktora / izvršnog direktora». – NE OTVARAJ -

Nepotpune i neblagovremene prijave neće se uzeti u razmatranje.

Izbor i imenovanje će izvršiti Nadzorni odbor preduzeća / društva na prijedlog Konkursne komisije.

Konkurs će biti objavljen u «Službenim novinama F BiH», dnevnom listu Nezavisne novine, sedmičnom listu Unsko-sanske novine “Krajina” i web stranici www.usnkrajina.com.ba

Broj: 3-PNO-224-10/23

PREDSJEDNIK PRIVREMENOG NO

Dana, 07.07.2023. godine

Antonija Durić
